

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joachim Langens Verbesserte und Erleichterte Lateinische Grammatica

Lange, Joachim

Halle, 1726

Precatio

[urn:nbn:de:bsz:31-263836](https://nbn-resolving.org/urn:nbn:de:bsz:31-263836)

tas : certe in eadem re utilitas & turpitudō esse non potest. Cic.

§ III. *Signum interrogationis* oder ein Frage-Zeichen ist (?)

Signum exclamationis oder *admirationis*, wenn man sich über ein Ding verwundert oder über etwas aufruffet, ist (!)

§ IV. *Parentthesis* ist, wenn man etliche Worte in eine Rede, zu der sie eigentlich nicht gehören, zwischen zweyen Häkchen einschlebet. Als :

Perdificilis, Brute, quæstio est (quod tu minime ignoras) de natura Deorum. Cic.

Asteriscus ist ein Sternchen (*), womit man etwas merkwürdiges bezeichnet.

§ V. *Signum divisionis* ist, wenn ein Wort zu Ende nicht kan ausgeschrieben, und daher muß zertheilet werden (= oder -)

Signum oder *Nota Apostrophis* ist, wenn ein Vocalis zu Ende ausgelassen ist. Als egon', sequ' es.

Signum citationis ist, welches man in margine setzet, wenn man etwas aus andern Büchern anziehet. (")

PRECATIO

SCHOLASTICA MATUTINA.

GRAtias tibi agimus, alme ac cœlestis Pater, ex animo in nomine Jesu Christi! quod nocte pulsa nos rursus salvos gratæ hujus diei luci reddidisti. O Pater luminum, qui e tenebris iussisti prodire lucem, concute ac penetra pectora nostra verbi ac Spiritus tui efficacia: & expelle ignorantie ac errorum tenebras. Fac in nobis exortiri rosâdam gratiæ tuæ auroram, animisque nostris inde clarissimum Spiritus tui fulgorem: ut divino benig-ni luminæ vere ac lucide agnoscamus Te, Patrem benig-nis-

gnissimum, ac Dominum nostrum, Jesum Christum, in Spiritu Sancto. Adesto nobis, ut prima ex vigilantium ac ultima obdormiscentium cogitatio ac meditatio semper sit de Te. Largire nobis, ut sicuti a naturali, ita etiam a spirituali somno experrecti, *ἀριστίας* ac securitatis veterinum excutiamus: haud immemores, nos, ut e lecto surgimus, ita etiam aliquando ex sepulcro excitatos ad tuum impiis tremendum & piis exoptandum, tribunal esse prodituros. Indue nos Summe Pater, ut nosmet induimus ipsos: indue nos vestibus Christi, filii tui unigeniti, vestibus salutis, justitiæ ac sanctæ innocentiae. Lavanos, ut nosmet lavimus ipsos; lava & ablue nos sanguine JESU Christi, lavacro purissimo pariter ac efficacissimo.

Tu DEUS es summa Majestate verendus. Totum hoc, quod miramur, mundi systema produxisti ex nihilo: creasti & nos, quos etiam sustentas ac conservas. Nos vero nil nisi pulvis & cinis; sed a te tamen sumus creati & redempti, ut a solius tui voluntate, gratia & nutu pendeamus. In te uno omnis nostra requies, beatitas ac salus. Extra te ipsa etiam felicitate nihil est miserius, quiete nihil turbulentius, gaudiis nihil tristius, voluptate nihil amarulentius, divitiis nihil fluxius ac indigentius. Nam in te nil nisi bonum; sine te nil nisi malum. Ecce ergo nos tibi totos! Ecce tibi mentem nostram, quam collustra vera fide, ac viva tui agnitione atque sapientia. Ecce tibi cor nostrum, quod emolli, quia durum est: purga, quia peccatorum sordibus inquinatum: converte, quia a te est aversum: vera fide, veroque tui timore illud imbue & amore exorna. Ecce tibi totam nostram animam ac totum corpus: toti tui erimus, totus noster esto. Dona nobis ducem ac lucem, Spiritum tuum sanctum, qui nos hodie regat atque gubernet, a peccatis avertat & ad bene agendum efficaciter impulsos ducat.

Et quia id vitæ genus, quod literarum optimarumque artium studiis sacrum est, amplexi sumus: rogamus te, Pater misericors, enixe per Dominum nostrum IESUM Christum, velis cœpta nostra habere rata, nostrisque laboribus nunquam non benigne adesse, ut in solius tui Nominis gloriam, ac proximi emolumentum, quam certissime cedant.

Sumus rursus ingressi scholam, pietatis, virtutum, artium ac morum, immo & ipsius Spiritus Sancti officinam. Esto ergo nobis præsto: ut coram te simus congregati in unum, ut simus pii, industrii, alacres atque attentissimi. Deme ingenio nostro stuporem, & inde majorem menti aciem: tolle torporem, & auge memoriæ vim animæque alacritatem. Sic non nobis, sed tibi studebimus soli: qui studiorum nostrorum es auctor ac moderator, fons atque finis.

Commendamus tibi etiam illos, quorum cura ac labore proficimus; nec non illos, quorum amore ac beneficentia fovemur & alimur. Rege illos, qui tuum regunt populum; pascere eos, qui tuas pascunt oves. Tuam auge, serva & sanctifica ecclesiam; ut longe lateque per orbem tuum celebretur Nomen, & tua adoretur Majestas. Exaudi nos, nostrisque annue precibus per **JESUM CHRISTUM**, corporis, animæ, vitæque nostræ supremum Dominum: cui tecum & cum Spiritu Sancto sit a nobis laus & perennis gloria in secula seculorum. Amen.

TIRO-